

جَنَدِ حَكِيمَت

نومرو ۲۰ رجب ۱۲۹۰ سنه ۲۰ پازار ایرتسی ۲۰ اغسوس رومی ۱۲۸۹ سنه ۲۴۹ صحیفه

اشبوغزته بهر هفته بازار ایرتسی کونلری چقار . سنه لکی بر عثمانلی یوزلک التونه و بهر نسخته می
شمذیلک ایکیشر غروشه اوله رق هر یرده صاتیلور . سنه لکنه مشتری اولق استینالر
مکتب صنایع مدیر لکنه مراجعت ایتلیدر

۲۷ جمادی الاخر سنه ۱۲۹۰ تاریخله تمیز
حقوق دأره سندن و بریلان اعلام صورتیدر
طرابلس غرب اهلایسندن محمد بشاله ایله حاجی
سنوسی بیننده اولان منازعه نك تمیزاً رؤیتی
مستدعی مرقوم بشاله نك و کیلی جبرائیل غرغورک
و برهش اولدیغی ۱۲ محرم سنه ۹۰ تاریخی
عرضحال تمیز حقوق دأره سنه حواله بیورلغله
دیوان استینافک اولساده اولان ایکی قطعه
قرارنامه سی صورتلری واعتراض وجواب لایحه زی
ایله برلشدیرلرله رک مطالعه اولندی
مذکور قرارنامه زدن ۶ ذی الحجه سنه ۸۹
تاریخلیسنده حاجی سنوسینک استینافنی استدعا
ایلدیکی طرابلس غرب تجارت محکمه سی اغلامنده
ایکی قرار مندرج اولوب برنجیسی حاجی حسن
بوعلیسه نام کسینه نك اشخاص معلومه یه اولان
التمش بشیک غروش بورجنه محمد بشاله ایله حاجی
سنوسی کفیل اولوب مبلغ مزبوری ادا ایتدکدن
صکره حاجی سنوسینک حاجی حسن ایله برابر
غایه کیده جکبری صروده مبلغ مزبوره محسوباً

محصول ایده جکی اچقی بینلنده مناصفه تقسیم
ایده جکلرینه دأر محمد بشاله یه سند اعطا و غایه
بعد العزیمه مبلغ مزبوره بدل دوه وسائر استیفا
ایلمش ایکن کندوسنه برشی و یرم دیکنه دأر محمد
بشاله نك اقامه ایلدیکی دعوا اوزرینه محکمه
رئیسینی ایله اعضادن برکشی حاجی سنوسی یه
ودیکر ایکی کشی دخی محمد بشاله یه حق و ربوب
برکشی دخی محمد بشاله نك اثبات مدعی ایتسی
رأینده بولندیغندن بختله بورألمره کوره اعلامنک
تنظیم اولنسنی شامل وایکنجی قرار دخی اولکی
قرار اکثریت آرا ایله محمد بشاله نك حقی اولدیغی
منسج اولدیغی بیانیله حاجی سنوسینک محمد بشاله یه
اوتوز بشیک بشیوز غروشله اون بیک بوقدر
غروش اعطا ایتسنه حکم قلندیغنی مشتمل اوله رق
حاجی سنوسینک و کیلی ذکیر اولان قرار اخیرک
غیاباً و یرلیدیکی بیان و محمد بشاله نك و کیلی دخی
وجاهاً و یرلیدیکی ومهل استینافک کذران ایتدیکی
ادعا و اتیان ایتکله اول امرده قرار بموجب غنک
وجاهی اولوب اولدیغی لدی التذکر قرار اولده

طرفینک محاکمه سی اکیال اولنه رق هیئتک آرای واقعہ سی ضبط اولندقدن صکرہ مذکور رأیلر اوزرینہ اعلامنک تنظیمہ قرار ویرلدیکی کوسترلمش ومؤخرأ مذکور رأیلردن حاجی سنوسینک حقسزلغی استنتاج اولنه رق معلوم المقدار مبالغک تحصیلی حقندہ اعلام یابیش اولسنہ نظراً قرار اخیر مذکور وجاهاً ویریلان قرار اولی ایضاً احدن عبارت بولندیغندن وجاهی اولدیغنه قرار ویرلدیکی محرردر

۲۵ ذی الحجہ سنہ ۸۹ تاریخلی اولان ایکنجی قرارنامہ دخی اولکی قرار طرفینہ تفہیم اولندقدن صکرہ محمد بشالہ نک وکیلی جبرائل غرغور حاجی سنوسی طرفندن ویریلان استیناف استدعاسی اصول محاکمہ نظامنامہ سنک یوز التجبی مادہ سنہ موافق اولندیغنی ووبایدہ ویریلان عرضحال تبلیغندن اول ویرلش اولدیغندن استیناف استدعاسی عد اولنہ میہ جغنی وکفالت سنندینک قانونک عبارہ سی وجہلہ عرضحالہ مربوط بولندیغنی وسند مذکور مهل استینافک مرورندن اول تاریخ ایلہ مورخ ایسہدہ تصدیق تاریخی مؤخرأ اولسنہ وسندک تاریخی مستأنفک استیدیکی کبی وضع ایده بیلہ جکنہ مبنی سند مذکورک معتبر اولہ میہ جغنی بیان و حاجی سنوسینک وکیلی عثمان افندی دخی سند مذکور زیرندہ کی تاریخندہ ویرلش ایسہدہ محکمہ دن صکرہ تصدیق قلندیغنی ووقتیہ محکمہ قبول ایدرک تاریخ حقندہ برشی دینلامسی وقتیہ ویرلدیکنہ دلیل اولدیغنی درمیان اتمسی اوزرینہ کیفیت لدی التدقیق مارالبیان مادہ نظامیہدہ استیناف استدعاسنک اول طرفینک اسم و شهرت واقامہ کاهلرینی ثانیاً استیناف اولنان حکم وقرار ایلہ اول حکم وقرارک قننی محکمہ دن ویرلش اولدیغنی ثالثاً استیناف دعواسنک نیہ مبنی ایدوکنی رابعاً تعین اولنہ جق احضار مدتہ

اولان ۷ ذی الحجہ سنہ ۸۸ تاریخندہ یکیدن شرائط استینافیہ بی جامع استدعاناہ ویرمسنہ حاجی سنوسینک قانوناً مجبور ایدوکی و دیوان استیناف ذکر اولنان مادہ قانونیہ یاکلش معنی ویردیکی بیانیہ دیوان مذکورک بوبایدہ اولان قرارینک تقضی استدعا اولمشدر

لایحہ جویاہدہ کرک دیوان استیناف قرارندن وکرک سند تاریخندن اکلاشیلہ جغنی وجہلہ درجہ اولی اعلامی ۷ ذی الحجہ سنہ ۸۸ تاریخندہ تبلیغ اولمش و ۵ ربیع الآخر سنہ ۸۹ تاریخندہ یعنی مدت استینافیہ نک اقتضاسندن ایکی کون مقدم اصولنہ توفیقاً شرائط لازمہ اجرا اولمش اولدیغنی جہتلہ حق استیناف ساقط اولدیغنی کبی محلی تجارت محکمہ سنک بالادہ مرقم ایکنجی قراری کندیوسنک غات پنازندہ بولندیغنی زماندہ غیاباً ویرلش اولدیغنی حالہ دیوان استینافدن قرار وجاهی دینلامسی مغایر نظام اولدیغنی بیانیہ دیوان استینافک بوبایدہ اولان قرارینک تقضی لازم کلہ جکی درمیان قلمشدر

طرفین وکیلر یلہ برابر ۹ ربیع الاول سنہ ۹۰ تاریخندہ دائرہ کلہ رک محمد بشالہ جبرائل غرغوری و حاجی سنوسی عثمان افندی بی توکیل ایتدیکنی تقریر ایتدکن صکرہ لدی الاستجواب جبرائل غرغور لایحہ سی مندرجاتی تکرار ایلہ برابر مدت استینافیہ مرور ایلدیکی جہتلہ دیوان استینافک بوبایدہ اولان قرارینک تقضیہ درجہ اولی اعلامنک تصدیق بیان و عثمان افندی دخی کرک دیوان استیناف قرارندن وکرک کفالت سنندی تاریخندن اکلاشیلہ جغنی وجہلہ مدت استینافک کچمدیکی کبی دیوان استینافک ضبط اولندہ بیان اولندیغنی اوزرہ دعوی مبحث عنہا طرابلس غرب محکمہ تجارتندہ بین الاعضا اتفاق آرا حاصل اولہ مامسندن ناشی فصل اولنہ میوب درسعادت محکمہ تجارتندہ

رؤتی قرارلشدیرلش و مؤکلنک وقوعبولان استدعاسی اوزرینہ کفالتہ ربطیلہ مذکور پنازہ عزیمتہ محکمہ مذکورہ دن مساعدہ اولنہ رق بوبایدہ ایزوجہ برقرار ویرلمسیلہ مؤکلی ذکر اولنان پنازہ عزیمت ایتش واورادہ بولندیغنی حالہ محکمہ مذکورہ دن حکمی حاوی ویریلان ایکنجی قرار غیابندہ ویرلش اولدیغندن کیفیتک محملندہ ویاخود دیوان استینافدہ یکیدن رؤتی اقتضا ایده جکی افادہ ودرمیان ایلہ ۱۰ شعبان سنہ ۸۷ تاریخلی طرابلس غرب محکمہ تجارتندن عربی العبارة اعطا اولنان قرارنامہ نک برقطعه مصدق صورت ترجمہ سی اراہ ایتش و صورت مزبورہ لدی المطالعہ مالی منازعہ مذکورہ نک ہنوز تسویہ پذیر اولامسی مندوریتنی موجب اولدیغنی کبی کشادی تقرب ایدن غات پنازینہ قدر فصل وتسویہ اولنہ جق اولور ایسہ ضرر عظیمہ دوچار اولہ جغنی حاجی سنوسی طرفندن باعرضحال استدعا اولندیغنی و منازعہ مذکورہ نک صورت تسویہ سندنہ اعضای مجلس بیندہ اتفاق آرا حاصل اولہ مدیغنی جہتلہ بعدہ درسعادتہ تجارتخانہدہ فصل ورؤیت اولنق وشمذیلک مرقومک کفالتہ ربطیلہ ذکر اولنان پنازہ عزیمتہ مساعدہ ایدلک خصوصارینسہ قرار ویرلش اولدیغنی مبین بولمشدر

کیفیت لدی المذاکرہ دیوان استینافک سالف البیان برنجی قرارنامہ سندنہ طرفینک درجہ اولی محکمہ سندنہ جبریان ایدن محاکمہ سی قرار اولدہ اکیال ایدیلہ رک ہیئتک آرای واقعہ سی ضبط اولندقدن صکرہ مذکور رأیلر اوزرینہ اعلامنک تنظیمہ قرار ویرلش ومؤخرأ مذکور رأیلردن حاجی سنوسینک حقسزلغی استنتاج اولنه رق معلوم المقدار مبالغک تحصیلی اعلام اولمش اولسنہ نظراً اعلام مذکور وجاهاً ویریلان

قرارك ايضاح شدن عبارت اولديغندن اعلام مذكورك وجاهي اولديغنه قرار ويرلدیکی کوستلش ايسهده برنجی دینلان قرارده رئیس ايله اعضادن بریسی حاجی سنوسییه و دیگرایی اعضا محمد بشالهیه حق ویردکلرندن ودردیجی اعضا دخی محمد بشالهک اثبات مدعی ایلمی رآینده بولنديغندن اعضای مجلس ییننده اکثریت حاصل اوله مدیغی جهتهل یوکا قرار نظريله باقیله میه جغی کبی ایکنجی یعنی حکمی حاوی اولان قرار دخی طرفینک محاکمه و مجاوبه زینی حاوی اولدقدن بشقه حاجی سنوسینک غات پنایرینه عزیمتنه مساعده اولمسنه دائر محکمه مزبوردهن اعطا اولنان ومالی بالاده حکایه قلنان قرارنامهک تاریخ ومندرجاته نظراً قرار محسوث عنک سنوسینک پنایره بولنديغی زمانده ویرلش اولديغی جهتهل بونک غیابی ایدوکی بدیی بولنش ومدت استیناف مجشنه کلنجه ذکر اولنان اعلام غیاباً ویرلش اولديغندن مدت استینافک اعتراض علی الحکم مدتک اقتضاسندن اعتبار ایدایی اصول ونظامی اقتضاسندن اولوب اعلام مذکورک صورت اجراسنه تثبت اولنديغنه دائر اوراق مرقومهده برکونه قید وصراحت کوريله مدیکی کبی مرقوم حاجی سنوسینک وکیلی عثمان افندینک طرابلس غرب ولایت جلیله سنه اعطا ايله محکمه مذکورهیه حواله اولنان عرضالنده ذکر اولنان اعلام مؤکلنک غیابنده ویریلوب حکمی قبول ایده میه جکندن برقومیسینون تشکیله کیفیتک یکیدن رؤیتی ویاخود درسعاده حواله سی استدعا اولنديغنه ومحمد بشاله دخی کیفیتک محکمنده رؤیتنه راضی اولیه رزق خصوص مذکورک درسعاده رؤیت وفصل اولمسنی طلب ایلمی اوزرینه کیفیت دیوان استینافه حواله اولنديغنه مبنی قرار ک وجاهی اولديغنه دائر دیوان استینافندن

ویریلان قرار یولسیر ومغایر نظام بولنش اولمله دیوان احکام عدلیه نظامنامه داخلینسک ایکنجی ماده سنک ایکنجی فقره سی موجبجه نقض اولندی بناء علیه کیفیت منقوضیتی نظامنامه مذکورک اتمش طقوزنجی ماده سی موجبجه قیدی بالاسنه شرح ویرلدکدن صکره کیفیتک بالاده کوستلدیکی اوزره مجدداً بالتدقیق رؤیت وحکم واعلام اولمسی وشاید بدایت اعلامی فسخ اولنوبده بدایه رؤیتی لازم کلدیکی وطرفین دخی درسعادت محاکمک برنده رؤیتی طلب ایتدکری حواله کیفیتک ایجاب ایدن محله حواله سنک بیان اولمسی خصوصلرینک دیوان استینافه حواله اولمسنه واعلام وتبلغ خرجی اولان سکره عدد بیاض مجیدینک ایلروده حقسنر چقه جق طرفه عائد اولمق اوزره حاجی سنوسیدن النسنه قرار ویریلوب کیفیت طرفینه تفهیم اولندی

۱۳ جمادی الاول سنه ۱۲۹۰ تاریخله محاکمات جزائیه دائره سندن ویریلان مضبوطه صورتیدر مدلولو جزیره سنده واقع ایاصو قریه لی اندریایی تسیم واتلافی ايله اموالی ضبط ایلمش اولان قریه مذکورهده ساکن تبعه بونانیه دن طید مبناقونک مظهر صحابت اولسندن طولای ور طرفندن قیام ایدیلان دعوایه محقهانه باقیدینندن ایجاب معدلتک اجراسی استدعاسنه دائر ورته وکیلی یوان طرفندن تقدیم اولنان عرضحال اوزرینه سبق ایدن اشعار عالی موجبجه بوبابده اجرا اولنان تدقیقات نظامیهی متضمن جزایر بحر سفید ولایتک دیوان احکام عدلیهیه ورود ایدن ۲۶ ذی القعده سنه ۸۹ تاریخلی ویکرمی بش نومرولی تحریر ایتله مجلس تمیز لوا مضبوطه سی واوراق استنطاقیه محاکمات جزائیه دائره سنده مطالعه اولندی اوراق مذکوره مألرنده مرقوم اندریانک

خسته لنسی جهتهله معالجه ایتک اوزره مرقومی طیب مزبور کندو خانه سنه نقل ایدرک بالتسیم وفاته دکن خانه مذکوره توقیف ووفاتندن اول وصره طقسان التي بیک غروشلق مطلوبات سندایله ویکرمی بشیک غروش تقدیمی سرقت ایلمش ویرباب خانه سیله برقطعه زیتونلکنی ساخته سند تنظیمه ضبط اتمش اولديغی ورته طرفندن ادما قلمسی اوزرینه یوان قونسلاتوسی ترجائی حاضر اولديغی حواله تدقیقات استنطاقیه لیدی ابستدار مرقوم یناقو اول امرده تسیم ماده سنی ونقود وسندات وسائرک اولصورته ضبط اولنديغی انکار اتمش ايسهده علمنده واقع اولان اخبارات اوزرینه انکاره مجال بوله میوب قریه مذکوره مختاری پورقوب قورقولی ايله اختیار مجلسی اعضاسندن اندون قانیر واهالیسندن اندون جاتی اوغلنک تشویقلرله اندریانک وفاتندن اول صدوغی دروندن برطاق سندات سرقت ایلدیکی کبی حالت اختصارده بولنديغی کیمجه مرقوملری چاغروب صدوغی کشاد وقصور سنداتی میدانه وضع ايله مرقوملر سهل الحصول اوللرینی بالتصدیق کندوسنه اعطا ومتعسر الحصول اوللری ینه صندوق درونه وضع واملا ایتدکدن صکره صدوغی مهرلدکری و مرقوم اندریا خانه سنی کندوسنه بیع ايله ثمنی هبه ایلدیکی کبی زیتونلکنی دخی زوجه سنه فروخت ایلدیکنه دائر وفاتندن صکره ساخته سند تنظیمه برقطعه مبیاعه جتی استحصال ایلدیکی والدیغی سنداتک حاوی اولديغی مبالغ الی بشیک غروش اولوب بونلری مؤخرأ قریه مذکوره لی میخایلو حاجی واسیل معرفتله کندو اوزرینه جیرو ایتدیروب برطاقک بدلاتی اسقونطو ايله تحصیل ایتدیردیکی بونک ایچون پورقوب قورقولی ايله اندون قانیره الیشرواندون جاتی اوغلنه قرق ومیخایلو حاجی واسیه

یوزکرمی وزیتونلکک مبیاعه جتک استحصالی ضمنده یلان شهادتی ایدن حاجی لغونی ايله اقستاک نام کسنه لره التیشر عدد عثمانی لیرایی ویردیکنی اقرار ایتسنه واندون جاتی اوغلی دخی مزبور اندریا وفاتندن درت کون اول کندوسیه بعض کسانن نزدینه چاغردوب یتاقده اولديغی حواله برباب خانه سنی طیب مزبوره بیع ايله افجه سنی هبه ایلدیکی کبی وفات ایلدیکی کیمجه کندوسی اویقوده ایکن طیب مرقوم کلوب صدوغی مهرلک اوزره اندریانک چاغردیغی سونلکله مرقومان پورقوب واندون قانیره برابرکتدکلرنده مرقوم اندریایی حالت اختصارده کورنجه مزبور طیب یناقودن مرقوم بوحالده ایکن کندوزینک سبب دعوتی صورددکلرنده اولجه عقلی باشنده اولديغی جوانی ویردکدن صکره ارتق کلنش ایکن مرقومک صدوغی مهرلرینی رجا ایتسیله بالواقعه مرقومان پورقوب واندون قانیر ايله طیب مرقوم صدوغی اچوب سنداتی قرآتله ینه درونه وضع ایلدکری صرهده مزبور یناقو ایچلرندن بش قطعه سند ايله ایکی عدد یوزک ویرمذیل الوب کندوسی بوحرکتی منعه قیام اتمش ايسهده اصفا ایتامش و مرقوم قریه زینک طیبی بولمق حسیله خاطرینه رعایه مرقومان پورقوب اندون قانیر سکوت ايله صدوغی مهرله جکری صرهده اندریانک وفات اتمش اولديغی و طیب مرقومک الدیغی سنداتک جیروسی اولديغی کبی مرقومک وفاتندن اوچ کون صکره کندوسی قهوه خانهده اوتورر ایکن میخایلو حاجی واسیل کلوب متوفای مرقومک متصرف اولديغی زیتونلکی طیب مزبوره حال حیاتنده صامش اولديغنه دائرنظیم اولنه جق سنده وضع امضا ايله شاهد یازلمستی تکلیف ایلدکده قبول ایتدیکنی معرض اقرارده اخبار ایدوب بوقولی مرقومان پورقوب قورقولی

ایله اندون قانبر دخی تصدیق و اعتراف ایتلرینه
و میخایلو حاجی واسیل دخی مرقوم انریانک
وفاتندن اوچ کون صکره طیب مزبورک زوجہ سی
طرفندن خانہ سنہ چاغریلوب قرقی ایکی قطعه
سندی یناقونک نامنه جیره ایلدیکی کبی بولردن
بعضیسنک بدلاتندن یوزده یکریمی بش تزییلده
اصحاب دیوندن بالتحصیل یناقویہ و پردیکی
وزیتونلک ایچون تنظیم اولنش اولان سنندک
تصدیقہ بوبلده شہادت ایتسنی طیب مزبورک
امرہ اندون جاتی اوغلنه افادہ ایتش ایسده
قبول ایلدیکندن مرقومان حاجی لغونی ایله
اقستاکای برکجه طیب مزبورک خانہ سنہ جلب
ایله سند مذکور تصدیق وامضا ایتدیرلش
ایدوکی و خدمتلیرہ مقابل التیش سیم مجیدہ
الہرق اوچی برلکده برہ ناحیہ سنہ کیدوب مزبور
اندونیا وفاتندن بریچق ماہ مقدم مذکور زیتونلکی
مزیدہ ایتدیروب یدی بیک غروشدہ طیب
مرقومک زوجہ سی اوزرنده قالہرق مزبورہ
فروخت ایله اچہسنی تماماً الدیغنه دائر حضور
حاکمہ ادای شہادتہ برقطعه مبايعہ جتی الدقترینی
اقرار ایدوب بوصورت مرقومان حاجی لغونی
واقستاک طرفندن دخی تصدیق قلمش اولسنہ
نظراً مرقوم طیب یناقونک ساخته کاراغلہ
فضیحه سرقته اجتسار و میخایلو حاجی واسیلک
شہادت زور ایله ساخته کارانجی و حاجی لغونی
ایله اقستاک دخی یالکز شہادت زوری ارتکاب
ایتدکاری و پورقوب قورقوی ایله اندون قانبر
واندون جاتی اوغلنک وظیفہ لری خارچندہ
حرکتده بولندقلری تین ایتش و مرقوم یناقونک
سرت ایلدیکی تحت اقرارندہ بولنان ایکی یوزک
ایله الی بشیک غروشلق سندادن یکریمی درت
بیک بشیوز التمش ایکی بچق غروشی تقدأ وسندأ
بالتحصیل مدعیہ تسلیم قلمش اولدیغندن و طیب

مزبورک اشخاص مرقومہ ذمتلری مقابلندہ
پارہ و یردیکی ثابت اولدیغندن قصور اوتوز
بیک درتوز اوتوز یدی بچق غروشک کندوسندن
و عدم قدرتی تین ایلدیکی صورتده اصحاب دیون
قریہ مذکورہ اہالیسندن اولدقلری حالہ طیب
مرقومک طلی اوزرنہ همان غرماً صورتیہ تسویہ
دینہ موافقتلری ایشک صورت جریانہ وقوف
و معلوماتلرینہ دلالت ایلدیکی جہتیلہ ذمتلرینک
کندوزندن استحصال وزیتونلک ایله استرداد
اولنہرق ورثہ اعطا و تسلیم اولنق اوزرہ طیب
مرقومک ایکی یوز اوتوز اوچنجی مادہ قانونیہ
حکمنہ توفیقاً اوچ و میخایلو حاجی واسیلک یوز
اللی بشنجی مادہ قانونیہ موجبہ ایکی و حاجی
لغونی ایله اقستاک دخی ایکی یوز طقوزنجی
مادہ موجبہ برر سنہ و پورقوب قورقوی ایله
اندون جاتی اوغلنک یوز یکریمی التجی مادہ
قانونیہ حکمنہ ایکیشر ماہ مدتلہ جس اولنلرینہ
قرار و یریلہرک کیفیتک تفہیم قاندرنجی اشعار
اولنشدہ

نوع تہمتلری اولوب بومقوله زک اخف تہمتلری
سبب شدید عد اولنہرق اعظم تہمتلری اوزرنہ
تعیین جزازی قاعدہ متخذہ اقتضاسندن اولہرق
مرقوملرک اعظم تہمتلری ایسہ ساخته کاراق
مادہ سی بولنش اولدیغنه و یوز اللی بشنجی مادہ
قانونیہ بر شخصہ متعلق اولان اوراق مخصوصدہ
کیفیت غیر صحیحہ بی صحیح یرینہ و یاخود اعتراف
اولیان بر حال و کیفیتک اعتراف اولنش حکمنہ
قویہرق حیلہ کارقلہ اصل مادہ بی و یاخود احوال
متفرعہ سنی تعیین ایله ساخته کارلق ایدن و بومقوله
ساختہ اوراق بیلہرک استعمال ایلان کیسہ لری
برسنہ دن اوچ سنہ یہ قدر جس اولنورز و ایکی
یوز طقوزنجی مادہ قانونیہ دعوی عادیہ
یلان شاہد لکنی ارتکاب ایدن شخص الی آیدن
برسنہ یہ قدر جس اولنور و ایکی یوز اوتوزنجی
مادہ قانونیہ علاوہ سنندہ دخی جس جزاسنہ
مستحق اولان سارق بیلہرک یتاقلق و معاونت
ایندہ یتاقلق ایلدیکی سارقک مستحق اولہجی
جزانک نوعیلہ مجازات اولنور و ایکی یوز اوتوزنجی
مادہ قانونیہ دخی اخذ ویان کیسجیلک کبی
سرققلہ مجاسر اولنلر اوچ ماہدن برسنہ یہ قدر
جس ایدیلور و بومقوله اشخاص ضابطہ جہ
کفالت التہ دخی النور دیو محرر بولندیغنه ہنی
تاریخ توقفلرندن اعتباراً طیب مرقومک فعل
سرقی ارتکاب ایتسی سبب شدت عد اولنہرق
مادہ اولی حکمنہ توفیقاً اوچ و میخایلو حاجی
واسیلک یلان شہادتک کذلک سبب شدت اعتبار
ایدیلہرک ایکی و لغونی ایله اقستاک یالکز شہادت
زوری ارتکاب ایللرندن ناشی مادہ ثانیہ موجبہ
برر سنہ و پورقوب قورقوی ایله اندون قانبر و اندون
جاتی اوغلنک دخی معین سارق صفتیلہ علاوہ
و مادہ اخیرہ احکامنہ توفیقاً التیشر ماہ مدتلہ
جس اولنلری و مشہروق سندات اثمالیلہ خانہ

وزیتونلک طیب مرقومدن استردادیلہ ورثہ یہ
اعطا قلمسی وادہ قلنان تسمیم مادہ سی حقندہ
اجرا قلنان تحقیقاتدن برنجیہ حاصل اولہمدیجی
تحریرات مذکورہ مددرج ایسده بومتحقیقاتک
کیفیتندن بحث اولنماش اولدیغندن بوراسنک
دخی اصولی و جملہ ایضاحاً اشعار ایلدسی
خصوصلرینک ولایت مشار الہیایہ امری و اشعار
بیورلسنہ قرار و یرلدی اولبابدہ

۲۳ ربیع الاخر سنہ ۲۹۰ تاریخیلہ محاکمات
جزائیہ دائرہ سندن و یریلان مضبطہ صورتدر
پرزرین قضاسنہ تابع بلاجہ قریہ لی ذی النونک
اوغلی ایدین نام صینک قاتلی اولان قریہ مزبورہ لی
شعبان حقندہ اجرا ایدیلان تدقیقات نظامیہ بی
حاوی پرزرین ولایتنک دیوان احکام عدلیہ یہ
حوالہ بیوریلان ۲۷ رمضان سنہ ۸۹ تاریخلی
و یوز قرق ایکی نومرولی تحریراتیلہ دیوان تمیز
ولایت و مجلس دعوی قضا مضبطہ لری و اوراق
استنطاقیہ محاکمات جزائیہ دائرہ سنندہ مطالعہ
قلندی

اوراق مذکورہ مندرجاتندہ سکسان سکر سنہ یہ
ایلونلک برنجی جمعہ کونی مرقوم ایدین خانہ لک
حوالیسنندہ بولنان الما اغاجنک التندہ اونار ایکن
مرقوم شعبان مسلماً اورایہ کلہرک یدندہ بولنان
تفکی انداخت ایله قورشوی ایدینک حصول قاشیلہ
قولانجی ارہسنہ اصابت ایدرک برچاریک مروژندہ
بالتأثر وفات ایتدیکی و ذکر اولنشان الما اغاجندن
الما طویلماقسدہ بولنان مزبور ایدینک والدہ سی
صومونام خاتونہ دخی پشتوچاقش ایسده آتش
المسینجی مزبورہ صومو طرفندن ادعا و مرقوم
شعبانک قتل مذکورہ اجتساری مزبور ایدینک
باباسی ذی النون مقدم مزبور شعبانک اوغلی ابراہیمی
قتل ایله فرا ایدیکسنہ مبنی اخذ نارایچون اولدیجی

انبا اولمسی اوزرینه تدقیقات استنطاقیه لدی
الابتدار مرقوم شعبان قتل مزبورده مدخلی
انکار ایش ایهده قریه مزبوره مختاری طاهر بن
عمر واختیار مجلسی اعضاسندن سیف الله بن زینل
وذكر بن مصطفى وطاهر بن عباس واسماعیل بن
زبیر نام کسهنز مرقوم ابراهیم قتلندن طولانی
شعبان ایله ذی النون یلنارنده قان خصوصتی اولدیغنی
بیان ایله برابر مزبور ایدینک قتلندن برقاچ کون
صکره شعبان کندوزینی دعوتله کندنی اوغلی
ابراهیم قاتنی انق ایچون مزبور ایدینی قتل
ایلدیکنی بالیان کندوسنی ذی النون ایله بارشدرملرینی
رجا ایتدیکنی وجاهامع القسم خبر ویرملرینه نظراً
مرقوم انکاری واهی اولهرق قتل مزبورک
تعمداً کندوسندن صدور ایتدیکنی تبین ایلدیکندن
یوز یتیمشیجی ماده قانونیه حکمنه توقیفاً اعدام
اولمسی استشعار و مرقوم ذی النونک دخی در دست
ایدلسی ضمننده مرکز ضابطهیه امر ویرلدیکی
اشعار اولمشدر
مدلول اشعاره نظراً قتل مزبورک تعمداً مرقوم
شعبانندن صدور ایتدیکنی اخبارات واقعه و امارات
موجوده ایله تبین ایلدیکنه و مذکور یوز یتیمشیجی ماده
قانونیهده برکسهنک تعمداً قاتل اولدیغنی قانوناً
تحقق ایلرایسه قانوناً اعدام اولنور دیومحرر بولندیغنه
بناء مرقوم شعبانک ماده مذکورهیه توقیفاً مناسب
برمحله اعدام اولمسی باینده اقتضا ایدن فرمان
عالینک اصدار و بالامرنامه سامی ولایت مشار
الیهیه تسیار و مرقوم ذی النونک در دستنه اقدام
اولنهرق حین اخذ و کرتسند استنطاق
و محاکمه سنک اجراسیله حاصل اولهحق نتیجهیه
کوره حکمی مضبوطه سنک اوراق استنطاقیه سیله
برابر ارسالی خصوصنک دخی یازیلهحق امرنامهیه
درج وازبار بیورلمسند قرار ویرلدی اولیاده امر
و فرمان حضرت من له الامر کدر

۵ ربيع الاخر سنه ۲۹۰ تاریخله محاکمات جزاییه
داره سندن ویریلان مضبوطه صورتیدر
معموره الغریز سنجاغنده واقع چارنجاق قضاسنه
تابع پرتک قریهلی عبدالفتاح افندی زاده حسینک
قاتلی اولان عیسی حسن اغا حقنده اجرا قلنان
تدقیقات نظامیهیه حاوی دیار بکر ولایتک رأساً
و جواباً وارد اولوب دیوان احکام عدلیهیه حواله
بیوریلان بری ذی القعدة سنه ۸۸ تاریخلی
والتمش برنومرولی و دیگری ۱۱ شوال سنه ۸۹
تاریخلی و یوز طقسان ایکی نومرولی ایکی قطعه
تحریراتیله دیوان تمیزدن مصدق مجلس تمیزلوا
مضبوطه سی و اراق استنطاقیه محاکمات جزاییه داره سنده
مطالعه قلندی

اوراق مرقومه مندرجاتنده سکسان التی سنه سی
محرمک یکرمیجی کیجه سی ساعت بر یچق راده زنده
مرقوم عبدالفتاح افندی اوغلی مرقوم حسین ایله
خدمتکاری طقوزاون یاشنده عثمانی خانه سنده بر اقوب
دیگر اوغلاری و حریمی ایله قومشوزینک خانه سنده
کیدرک اتوررز ایکن خانه سنده بر سلاح سسی
استماع ایله کیدوب باقدقارنده مرقوم حسینی بوینک
ارقه سندن قورشون ایله اورلمش و یچاق ایله
ذبح ایدلمش اولدیغنی حالده میت بولدقارینی
وقرنداشی مرقوم حسن اغانک اوتدنبرو
کندوزینه بغض وعداوتی اولوب ایله مذکورهده
دخی قومشویه کیدرنز ایکن خانه سنک قیومی
اوکنده کوزیلرک اختیارک نریه قونادیغنی
کندوزندن خبرالیدیغنی جهته فعل قتلك بوندن
صدورنده شبهه سی اولدیغنی بالیان اجرای
ایجابی مرقوم عبدالفتاحک ادعای اولمسی اوزرینه
تدقیقات استنطاقیهیه لدی الابتدار مرقوم حسن
اغا قول مذکورهده مدخلی انکار ایش ایهده
مرقوم خدمتکار عثمان ایله مذکوره شروانده
وحسین اوطهده یاتورز ایکن مرقوم حسن اغا

حسن اغادن صدوری اخبارات واقعه و امارات
موجوده ایله تبین ایلدیکنه و یوز یتیمشیجی ماده
قانونیهده برکسهنک تعمداً قاتل اولدیغنی قانوناً
تحقق ایلر ایهده قانوناً اعدامنه حکم اولنور دیومحرر
بولندیغنه بناء قاتل مرقومک بو حکمه توقیفاً
اعدامی باینده ایجاب ایدن فرمان عالینک تسطیر
وامرنامه سامی ایله ولایت مشارالیهیه تسیر بیورلمسی
و مرقوم امینک تخلیه سبیلی بولنده ایدوکندن
سحت کفالتده ایهده اخراجی جهتنک دخی امرنامه
سامی مذکوره درج وعلاوه سی خصوصلریته
قرار ویرلدی اولیاده امر و فرمان حضرت
من له الامر کدر

۱۳ جمادی الاول سنه ۲۹۰ تاریخله محاکمات
جزاییه داره سندن ویریلان مضبوطه صورتیدر
اسکوب سنجاغنده واقع قوچانه قضاسنه تابع
بلاجه قریهلی بکچی محمدک قاتلی دینیلان قریه
مرقومهلی صالح حقنده اجرا قلنان تدقیقات
نظامیه و مرافعه شرعییه حاوی پرزرین
ولایتک دیوان احکام عدلیهیه حواله بیوریلان
۲۰ شعبان سنه ۸۹ تاریخلی و یوز یکرمی التی
نومرولی تحریراتیله دیوان تمیز ولایتدن مصدق
مجلس تمیز لوامضبوطه سی واعلام شرعی محاکمات
جزاییه داره سنده مطالعه قلندی
اوراق مذکوره مندرجاتنده سکسان طقوز
سنه سی ربيع الاخرینک اون سکرچی بازار ابرتسی
کونی اخشام اوزری مرقوم صالح قریه مذکورهلی
رجب نام کسه ایله سیدی بن حسینک چارندن
بر بوک کیه ایچوب یوله چیققدلری حالده بکچی
محمد بولره تصادفله مذکور کیهلی اللرنن المغه
تصدی ایلسی اوزرینه مرقوم صالحک انداخت
ایلدیکی طبایحه قورشونی محمدک بوغازنه اصابته
مأثراً وفات ایلدیکنی ورته مقتول جانلرن ادعا

زقاق قپوسندن کیروب طوغریجه حسینک اوطه سنده
عن یمت و متعاقباً عودته تکرارالی تفنکلی برچبلاق
آدم ایله بالورود مذکور اوطهیه کیررک اوئانده
بر سلاح پاتلا یوب حسین اوج دفعه وای بابادیو
فریاد ایتدکدن صکره عم بن سکانه یایدم بی کسسه
دیولوارر ایکن بر خردلی ایشیدرک خوفندن
ناشی یورغانی باشنه چکدیکنی و انکیجی سلیمان
نام کسسه دخی مرقوم حسن اغانک ایله مذکوره
اخشامی ساعت اون بر راده زنده امین نام کسسه
ایله دره ایچنده خفایا الفت وصحبت ایتدیکنی
وقومشوزی طوپال یوسف دخی سلاح انداخت
اولمسی متعاقب مقتول مرقومک بر کره وای بابا
دیو باغردیغنی و قاتل مرقوم اولکیجه اخشام
نمازندن یارم ساعت صکره صویه باتمز سلیمانک
خانه سنده کیدوب بر یچق ساعت اتوردیغنی
سویلش ایکن خانه صاحبی مرقوم سلیمان ایله
اول کیجه مسافری بولنان مصطفى اغا مرقوم
حسنک ایله مذکورهده ساعت یارمده کلوب یارم
ساعتدن صکره کتدیکنی اخبار ایلدکاری مثللو قتلك
وقوعبولدیغنی اوطهده بولنان یاصدقده قان بولاشیغنی
کوریلوب مرقوم حسنک یچاغیله اولچلدکده
مذکور یچغزک سلیمش اولدیغنی تبین ایتسند
و مرقوم حسن اغانک اوزرنده دخی قان لکمه سی
کورلمسند و مذکور یچاق کندوسنک اولدیغنی
مقر بولمسند نظراً قتل مذکورک تعمداً مرقوم
حسن اغادن صدوری تبین ایلدیکندن ورته مقتول
حقوق شخصیه دعواسنده بولندقلندن قاتل
مرقومک یوز یتیمشیجی ماده قانونیه موججه
اعدامی استشعار و مرقوم امینک قاتل مرقوم
ایله دره ایچنده کورلمسی قتل مذکورهده معاوتنه
مدار حکم اوله مبوب آخر بر اماریه دخی ظفر
بولنه مدیغندن سبیلی تخلیه قلندیغنی اشعار قائمشدر
مدلول اشعاره نظراً قتل مذکورک تعمداً مرقوم

اولمسی اوزرینه تدقیقات استنطاقیه لدی
الابتدار مرقوم صالح یوم مذکورده مزبور احدک
مرکبی اسماعیل نامنده برآمدک چایرینه کرمسندن
طولای بکچی محمد ایله بیلنلنده وقوعبولان
منازعه اوزرینه احدک طبایحه قورشویه محمدی
جرح و قتل ایلمدیکنی و یوم مذکورده رجب
هیج کورمدیکنی بیان ایله قتل مذکورده مدخلی
انکار ایش ايسه ده قریه مذکورلی کچی جوابی
سلمیان فضیحه قتلک بروجہ ادعا مرقوم صالحدن
صدورینی ورجبک برکونه معاونت ایتدیکنی عن
مشاهده مع القسم خبر ویرمه سینه واحد بن ابراهیم
دخی یوم مذکورده مقتله قرق خطوه مسافده
اولان ترلاسنده اکین بیچر ایکن برسلالاح صداسی
ایشیدوب باقدیغنده مرقوم محمدک یرہ دوشمش
اولدیغنی وصالک بشتونی بلنه صوقه قرق رفیق
رجب ایله فرار ایلمدیکلرینی مشاهده ایدنجیه
درحال اورادن کویه کلهرک قضیه بی خبر
ویرمسی اوزرینه صالح ورجب اختیار مجلسی
معرفتیه دردست اولدیغنی مع الحلف منفرداً ووجاهاً
اخبار ایش و مرقوم رجب دخی یوم مذکورده
مرکبه اودون تحصیل ایدرک مقتله سکر خطوه قدر
یقین کلدیکنده برپشتو پاتلامغله باقدیغنده
محمدک یرہ دوشدیکنی وصالک طبایحه بی بلنه
صوقدیغنی کوردیکندن صالح کندوسنه بشتوب
سری کسبه افشا ایدراسک سنی دخی بتوریرم
دیدیکنی و متعاقباً خانه سینه دخی کلهرک تا کید ایتدیکنی
منفرداً و مواجهه سولمسنه نظراً صالحک انکاری
واهی اوله قرق قتل مذکورک بروجہ ادعا کندوسندن
صدوری تین ایلمدیکندن یوز یتش دردنجی
ماده قانونیه حکمنه توفیقاً اون بش سینه مدله
کورک قولمسی استشعار ورجبک قتل مزبوره
معاونت ایتدیکنه حکمه مدار اوور اماره اولدیغنی
جهتله سبیلی تخلیه قلندیغنی اشعار اولمشدر

○ ربع الاخر سنه ۲۹۰ تاریخله محاکمات

جزایه داره سندن ویریلان مضبطه صورتیدر
چکجه سجاغنده واقع صوبولی قضاسنه تابع عواض
قریه سنده قهوه جیلاک ایتکده اولان تحمیان اون
طقوز یاشنده ناقونک قاتلی دینلان یانیه سجاغنده
واقع پرمده قضالی ارنبود عبدالله نام شخص حقنده
اجراقلانان تدقیقاتی متضمن جنایت دیوانک ۱۹
جاذی الاخر سنه ۸۹ تاریخی و قرقیدی نومرولی
مضبطه سیله تمیز لوا و مجلس قضا مضبطه لری
واوراق استنطاقیه و فذلکه محاکمات جزایه داره سنده
مطالعه اولندی
اوراق مرقومه ماللرنده سکسان سکر سنه سی جاذی
الاخره سنک اون ایکچی بازار ایتسی کجه سی ساعت
اوج یچق راده لرنده مرقوم ناقوصوجق بشورمک اوزره
دکانک قارشوسنده کی خانه بولنان میخانه یه کتدیکنده
اوراده بولنوب کندوسنه صارقندیلک ایش اولان
مرقوم عبدالله قاقوب یرہ دوشوره رک دکانه عودت
ایلمدیکنی متعاقب مزبور عبدالله یتشهرک النده کی
بجاقله هم سنک التندن ضرب و جرح ایلمهرک فرار
ایلمدیکی وناقودخی عبدالله بنی یدی دیوفریاد ایدرک
بده اثر جرحدن وفات ایتدیکی ادعا وناقونک فریادینه
مبنی اوراده بولنان قریه مرقومه لی خرسنه وپترو
وانکلی واستاوری طرفلرندن مرقوم عبدالله
دردست اوله قرق کلان ضبطیه زره ویدندن النان
بجاق دخی صندوق امینی یناقویه تسلیم قلندیغنی
انبا اولمسی وکشف ایتدرلکده مرقوم ناقونک
کوکسنده اوجی سیوری الت قاطعه ایله حصوله
ککش برعدد جرح کوریلوب جرح مذکوردن
بالأثر وفات ایلمدیکی راپورط ایله بیلدیلمسی اوزرینه
تدقیقات استنطاقیه لدی الابتدار مرقوم عبدالله اوکجه
مرقوم قهوه خانه سینه کتدیکنی و مذکور بجاق
کندوسنک اولدیغنی ویتننده کوریلان لکه رک حین
دردستنده ضرب و جرح اولمشندن ناشی جریان
ایش اولان قان لکه سی اولدیغنی وهؤخرأ شراب

ایدوکنی بیان ایله فضیحه جرح و قتلک طرفندن صدوری
انکار ایش ايسه مزبور خرسنه لیه مذکورده
مزبور ناقونک دکانی خارجنده اوتوررایکن ناقو
النده اتمک ایله کلهرک دکانه دخول ایتسیله برابر ارنود
عبدالله دخی اچرویه کیروب همان طیشارو چیقسی
اوزرینه ناقو عبدالله بنی یدی دیوفریاد ایتسیله
ارقداشلریله عبداللهی دردست ایدرک قریه مختارینه
والندن الدقلری بجای دخی صندوق امینه تسلیم
ایتدکلرینی و مذکور بجاعک قینی دخی ورود ایدن
ضبطیه طرفلرندن عبداللهک بلندن چیقارلیدیغنی
مین ایله خبر ویروب بوقولی مرقومون پترو وانکل
واستاوری دخی مع القسم منفرداً ووجاهاً تصدیق
ایتلرینه وعساکر ضبطیه دن رشید اونباشی دخی
محل جرحه عزیمتنده عبداللهک یناقوی اوروب
تلف ایتدیکی خبر ویرلیدیکی و صندوق امینی یناقونک
مذکور بجای قانی اولدیغنی حالده کندوسنه تسلیم
ایتدیکنی و مذکور بجاعک قینی عندالتحری عبداللهک
سلاحنی اراسندن ظهور ایتدیکنی افاده ایدوب
بوقولی عساکر مرقومه دن حسین دخی تصدیق
ایدوب فقط مرقوم عبداللهی حکومت کتوررایکن
کندوسی عبداللهک صول یاننده بولندیغنی جهتله
مذکور قینک اوزرندن ظهورینی کوزه میدیکنی
سولش اولسنه و صندوق امینی یناقودخی ناقونک
دکانی اوکندن کچر ایکن مرقوم خرسنه وایله اوج
درت دلی قانی طرفلرندن عبداللهک دردست
اولندیغنی کوروب لدی السؤال ناقوی جرح و اتلاف
ایش اولدیغنه بناء اخذ وکرفت ایلدکلرینی بیان
والندن الدقلرینی سولدکلری قانی بجای کندوسنه
اعطا ایلدکلرنده مذکور بجاعک ایکی طرفنده قان
اثری کوردیکنی و کندوسی مزبور بجای مؤخرأ
ورود ایدن مرقوم اونباشی به تسلیم ایتدیکنی و مذکور
بجاعک قینی دخی مرقومک سلاحنی ارسنده
ظهور ایلدیکنی خبر ویرمه سینه و میخانه دستکاهداری

۳۰ جمادی الاخر سنه ۲۹۰ و ۱۱ اغستوس
سنه ۲۸۹ تاریخیه عموم ولایاته یازیلان
تحریرات علیه صورتیدر
طشهره زجه محاکم نظامیه ده رؤیت اولتان دعاویدن
طولای مدع علیه محل اخردن جلبه واحضاری
لازم کلدیکی حالده ضرر و زیانک و مصارق
سفریه سنک تأمینی فصل اصول وقاعدهیه توفیق
اولمق اقتضا ایده جکی بعض محللردن استفار اولمقدن
ناشی کیفیت دیوان احکام عدلیه تمیز حقوق دائره سنه
لدى الحواله مواد حقوقیه نك اکثریسی مدع علیه
اقامتگاهنده بولتان محکمه ده فصل ورؤیت اولدیغنه
نظراً مدعیدن کفیل وسندکی تأمینات اخذینه محل
کورنمز ایسه ده اصول محاکمه نظامنامه سنده محرر
اولدینی اوزره بعض دعاوینک رؤیت وفصلی
مدعینک اقامتگاهنده ویاخود طرفینک اقامتگاهیه
محکمه سنک دائره زری خارجنده بولتان محکمه عائد
اولدیغندن کرک بولنک وکرک طشهره قراوقضایتندن
مرکز قضایه احضار اولنه جق اولنلر ایچون تعین
معامله لازمه دن اولدیغنه وحواله جمعیتی نظامنامه سنده
محرر اولدینی وجهله مدعینک طلب واستدعای
اوزرینه طشهره دن احضار اولنه جق مدع علیه
متمرد اصوله توفیقاً مصارف سفریه وضرر و زیانی
تأدیه ایتک اوزره مدعیدن سند وکفیل التقدیه
بولندیغنه بناء وبقاعدهیه قیاساً مدع علیه نظاماً
اقامتگاهنده بولتان محکمه دن بشقه بر محکمهیه
جلب واحضاری حالده یعنی درسعادتدن طشهریه
وطشهره زجه دخی بر سنجاقدن دیگر سنجاق ویا دیگر
قضا محکمه سنه جلبی لازم کلدیکه متمرد اصوله
توفیقاً مدعیدن سند وکفیل التمسى و برقریه
ویا قصبه دن اول قریه وقصبه نك تابع اولدینی
مرکز قضایه جلب واحضار اولنه جق اولنلر بخشه
کلنجه چونکه بولنر کرک مدعی وکرک مدع علیه
بر محکمهیه تابع اولدقندن بر قضا داخلنده بولتان

پنایوط دخی لیلہ مرقومه ده اوچاغه طیانوب
اوبورایکن ماشه اورولورکی برسس ایستیسلیه اویانوب
باقدیغنه ناقونک اوجاق اوکسندہ صوچوق پشورمکده
وارنبود عبدالله دخی صول الی ناقونک ارقه سندن
صول اوموزی اوزرینه اتوب طور مقده اولدینی
وناقصاغ النده بولتان ماشه ایلہ عبداللہک صول
النہ اور دینی حالده عبدالله الی چکدیکى جهته
ناقوماشیه برافه رق خانک اچیق بولتان قیوسندن
چیقوب کتدیکى وعبداللہک دخی تعقیب ایتدیکى
خبرو برسنه نظراً مرقوم عبداللہک انکاری واهی
اولدق سرخوشلق حالیه نافویه صارقندیلک ایدوب
ناقودخی ماشه ایلہ انک النہ اورماسندن ناشی حدتله نرک
ناقوی بالتعقب محاق ایلہ جرح و قتل ایتش ایدوکى
تین ایتدیکندن مرقومک بوزیتش دردنجی ماده
قانونیه نك فقره اولیسی حکمنجه اون بش سنه
مدتله کورک قولمسنه و مرافعه شرعیه نك دخی
اجرا ایتدیرلسنه قرار ویرلرک صورت قرار طرفینه
تبلغ اولدینی اشعار اولمشدر
مدلول اشعاره نظراً قتل مذکورک سرخوشلق حال
وفوران غضبله من غیر تعمد مرقوم ارنبود
عبدالله دن صدوری اخبارات واقعه و امارات
موجوده ایلہ ثابت اولدیغنه و ذکر اولتان یوز
یتش دردنجی ماده قانونیه نك فقره اولسندہ برکیسه
بر شخصی من غیر تعمد جرح و اتلاف ایتش ایسه
اون بش سنه مدتله کورک وضع اولنوردیو محرر
بولدیغنه مبنی قائل مرقومک بو حکمه توفیقاً و بدایت
حبسی اولان سکسان سکر سنه می جمادی الاخره سنک
یکرمی ایکنجی کوشدن اعتباراً امر تشری اون
طقوزنجی ماده ده مندرج قاعدهیه بعد التوفیق اون
بش سنه مدتله حبسخانه عمومیده کورک قولمسی
وورنه ادعا ایتدکلری حالده محاکمه شرعیه لیک
دخی اجرا ایتدیرلسی خصوصاً لیک ضبطیه مشیریت
جلیله سنه امر و اشعار بیورلسنه قرار ویرلدى اولیاده
امر وفرمان حضرت من له الامر کدر

طولای استیفاف دعوی اولنور ایسه اولوقت
دیوان تمیز زجه تدقیقات مقتضیه نك اجرا قلمسی
لازم کلدیکى بولمجه ولایته اشعارى دیوان احکام
عدلیه حقوق دائره سندن تبلغ واقاده و کیفیت
تعمیماً سائر ولایته اشعار وتوصیه اولمغه اوراجه
دخی شو صورته معامله اجراسنه همت بیورلسی
باینده امر واراده افندمکدر

برقریه وقصبه دن یته اوقضاتک مرکزیه جلب
اولنه جق اولنلر ایچون سند وکفالت التمسى
اقتضا ایده چکنک بالمله ولایتله اخطاری افاده
وکیفیت لازم کلنلر اشعار و حکایه اولنمش اولمغه
اوراجه دخی اولوجهله اجرای معامله اولمسی
خصوصه سنه هم بهیسه زری درکار بیورلک باینده
امر واراده افندمکدر

۲۶ جمادی الاخر سنه ۲۹۰ تاریخیه تعمیماً
یازیلان تحریرات علیه صورتیدر
حقوق عادیهیه دائر اولان پروتسو وسکوسترو
استدعارینک حقوق عادیه محکمه زری معرفتله
تصدیق وتبلغ ایتدیرلسی جائز اولوب اولدینی
بعض محللردن استفسار اولمقدن ناشی کیفیت
دیوان احکام عدلیه حقوق دائره سنه لى الحواله
شورای دولت قراریه ۲۶ ذی القعده ۸۹ سنه
تاریخنده عموم ولایته تسطیر وتسییر بیوریلان
امرنامه سائی وکالتپناهیده اشعار بیورلدینی
وجهله یالکز تجارت متعلق مواده سکوسترو
وپروتسو استدعایه زینک طوغریدن طوغرییه
تجارت محکمه زینه وماعداسنک محلی حکومتلرینه
اعطاسی مقرر اولسنه نظراً حقوق عادیهیه متعلق
اولان سکوسترو وپروتسو نامه لک حقوق عادیه
محکمه زری یعنی دعاوی وتمیز مجلسلری معرفتله معاملات
لازمه سنک اجرایی جائز بولندیغنک بالمله ولایته
اشعار و اخطاری افاده وکیفیت لازم کلنلر از یار
وحکایه اولنمش اولمغه بیان حاله ایتدار اولندی
اولیاده امر واراده افندمکدر

۲۶ جمادی الاخر سنه ۲۹۰ تاریخیه تعمیماً
یازیلان تحریرات علیه صورتیدر
فراغدن امتناع ایدن مدیونلرک دین ایچون عهده زنده
بولسان املاکک فروخته بر محکمه دن بعد الحکم
اجرا امورلری طرفندن شروع ومباشرت اولنه جق
مقدماً تعمیماً تسطیر بیوریلان امر نامه سامیده
اشعار اولنمش ایسه ده مذکور محکمه دن مراد
قنقی محکمه اولدینی تصریح قلمماش وبمقوله
املاکک فروخته دینی حکم ایدن محکمه نك
حکم ایلمسی تسلیب اولنه رق دیوان ومجلس
تمیزدن اولوجهله اعطای حکم اولمقدن اولدینی
حالده محکمه تجارت بعض اسباب ارانه سیله
املاکک فروخته حکم ایتامکده بولنمش اولدیغندن
بختله بمقوله املاکک فروخته قنقی محکمه نك
حکم ایده جکی بعض طرفدن استفسار قلمش وهر
تقدیر بوخصوصه دائر اولان امر نامه سامیده املاک
مزبور نك فروخته قنقی محکمه نك حکم ایده جکی
تصریح قلمماش ایسه ده اشبواملاکک فروختی ماده می
مواد تجاریه دن معدود اولیوب حقوق عادیه
درجه سنده بولندیغندن محاکم تجارتک اولیاده حکم
اعطا ایده میه جکی کبی ولایت دیوان تمیزلری
استیفاف دعوییه مأور اولدینی واملاکک فروختی
ماده می بدایه بر دعوی بولندیغنی جهته بولنک بدایه
رؤیت دعاوی وظیفه سیله متشکل اولان دعاوی
وتعیین مجالسندن تحت حکم التمسى واشبو حکمدن

۲۷ محرم سنه ۲۹۰ تاریخیه تمیز حقوق
دایره سندن ویریلان مذکره صورتیدر
فرانسه دولتی تبعه سندن موسودوریندن التمسى
ایکنجی مجلس تجارتدن قرار ویریلان جزای

نقدی حقند تجارت نظارت جلیله سیه مجاری
شامل ۱۰ رمضان سنه ۸۹ تاریخی تذکره سامیه
دیوان احکام عدلیه حواله بیورمله حقوق
دائرة سنده مطالعه اولندی
مندرجاتنه نظراً موسیو دورینک توفی عزت
پاشا ورثه سی علیهنده اقامه ایتمش اولدیغی دعوانک
اثنای رؤیتنده ارأه اولنان سندن نسبتندن دون
ورقه یه محرر بولندیغی جهته یتش ایکی بیک غروش
جزای نقدی التمسنه قرار ویراش اولباسده
وقوعبولان مخالفت اوزرینه کیفیت موسیو پاریسه
لدی الحواله مذکور جزای نقدینک التمسنه محل
اولدیغی بیان اولنش اولدیغندن کیفیتک محکمه
تمیزه حواله قلندیغی اکلشلسدر
قرار مذکوری متضمن اولان ورقه ایله سند مجو
عنه تجارتخانه دن کتوردیلوب مطالعه وتدقیق
اولندقدن صکره کیفیت لدی التذکر اگرچه ورقه
مزبوره مرقوم موسیو دورین طرفندن عندالحاکمه
ابراز اولنان ۲۱ جاذی الاول سنه ۸۸ تاریخی
ومحمد طاهر وحیدیه ونعمه الله مهرلی برقطعه مقاوله
سندی نسبتندن دون ورقه یه یازلدیغندن اول
امرده جزای تقدیسی اولان یتش ایکی بیک
غروشک اخذ واستیفاسنه قرار ویرلدیکی کوستراش
ایسه، ورقه صحیحه نظامنامه سنک بشنجی ماده سنده
مبلغ معین اوزرینه رأساً یازیلان کفالت وشرکت
وسائر مقاولات سندلی اوراق صحیحه نسبییه
یازیلجی محرر بولندیغنه وسند مجو عنه ایسه
اولوجهله رأساً عقد اولنش بر مقاوله یی متضمن
اولیوب آئیده قونطورات ومقاوله نامه تنظیم
اولنجی وعدنی مبین وموقت بر سند اوله رق
اصل مقاوله یه تعلیقاً وقوعبولان مقاولات موقتک
نسبتندن دون ورقه یه یازلمسند بآس اوله میه جفنه
بناء سند مذکور دن جزای نقدی التمسی اقتضا
ایتمه چکنک نظارت مشارالیه یه اشعار بیورلمسنه
قرار ویرلشدر

۱۸ محرم سنه ۹۰ تاریخیه تمیز حقوق
دائرة سندن ویریلان مذکره صورتیدر
تجارت نظارت جلیله سنک دیوان احکام عدلیه
وارد اولوب حقوق دائرة سنه حواله بیوریلان
۲۴ ذی الحجه سنه ۸۹ تاریخی تذکره سیه ایکنجی
مجلس تجارتک مذکره ملفوفه سی ومتفرعاتی
مطالعه اولندی

خلاصه الماری اظهار افلاس ایدن صساری یار
ایکنجی باشیسی نشان ایله مشترک لرینک خزینة
جلیله ایله سآریه اولان بورجلرینک تسویه سی ضمیمه
مرقومونک عهده زنده بولنان املاک صورت
تفریقیه فراغ وانتقالنجه ظهوره کلان مانعک
حل واندفاعی محکمه تجارت عائد موادن اولیوب
امور حقوقیه عادیه یه متعلق بولندیغندن اجرای ایجابی
افاده سندن عبارت اوله یور

بومثللو املاک وعقار حقنده تگون ایدن اختلاف
ومنازعاتک رؤیت وتدقیق وحسب الايجاب تفریقیه
فروخته دائر حکم واعلام اعطاسی محاکم ابتدایه
وظائفندن بولندیغنه بناء اوراق مذکورک عائد
اولدیغی بدایت محکمه سنه حواله سی ضمیمه حواله
جمعیتیه ویراسی تذکر قلندی اولباسده امر وفرمان
حضرت منه الامر کدر

۷ صفر سنه ۲۹۰ تاریخیه تمیز حقوق
دائرة سندن ویریلان مذکره صورتیدر
تبعه دن پانقالیده ساکن اندون ایله راهب غودنت
بیننده اولان اوتوز بش لیرا الاجیق دعواسنه
دائر بک اوغلی بدایت محکمه سی حقوق دائرة سندن
۲۰ شوال سنه ۸۹ تاریخیه اعطا اولنان اعلامک
تمیزینی مستدعی راهب موسی الیهک ۵ ذی الحجه
سنه ۸۹ تاریخی استدعا ولاجه سی تمیز حقوق
دائرة سنه حواله اولنمغه مطالعه اولندی
تمیزینی استدعا اولنان اعلام راهب موسی الیهک

محکمه یه کتمکدن امتناعی اوزرینه حکم غیابی
متضمن اوله رق بومثللو اعلامات ایله محکوم
اولنک مدت معینه سی ظرفنده اعتراض علی الحکمه
حق وصلاحیتی درکار اولدیغنه وشو حالده اعتراض
علی الحکمه اولان حق وصلاحیتلرینی ترک ایله
برطام شرائط تمیزیه ونکلفات سآره اجراسیله
تمیز استدعاسنده بولمقدن ایسه اول امرده
اعتراض علی الحکمه انشوری حقارنده ده اسهل
وانفع اوله جفنه مبنی راهب موسی الیهک دخی
اولوجهله مدت نظامیه سی ظرفنده اعتراض
علی الحکمه ایتمی ضمیمه کندوسنه معلومات
ویراسی وبومثللو حقنده اولان احکام نظامک تمیز
استدعاسندن اول کندوزینه تفهیم وتبلیغ اولنمی
خصوصک حواله جمعیتیه بیدیرلمسنه قرار ویرلدی

۲۷ جماد الاخر سنه ۹۰ تاریخیه تمیز
حقوق دائرة سندن ویریلان اعلام صورتیدر
قیصریه سنجانی داخلنده کائن دره ونک قریه سی
اهالیسندن دوندی اوغلی سرویه ایله سایه بال
اوغلی کریمه سی سارانام قادین بیننده تحدت ایدن
دعوا یه دائر قیصریه محکمه تجارتندن اعطا اولنان ۲۸
شباط سنه ۸۸ تاریخی اعلامک تمیزینی مستدعی مرقوم
سرویه نک ویرمش اولدیغی ۲۳ مارت سنه ۸۹
تاریخی عرضحال اوراق متفرعه سیه برابر انقره
ولایتندن دیوان احکام عدلیه یه کوندولمکله تمیز
حقوق دائرة سنده قرائت ومطالعه اولندی

تمیزینی استدعا اولنان اعلام مذکورک خلاصه
مندرجاتی مزبوره سارا دوندی اوغلی ابقارک
زوجی متوفی قیریل نامنه ویرمش اولدیغی ۱۹
نيسان سنه ۸۶۶ تاریخ میلادی سی حاوی وایکی
یوز یکرمی برکون وعسده لی برقطعه سند موجبجه
غیراز تسلیم قصور دینی اولان ایکی بیک درتیزوز

یکرمی غروشک اداسنه دوندی اوغلی سرویه
کفیل اولدیغندن بمثل مبلغ مزبورک حسب الکفاله
مرقومدن تحصیلنی طلب وادعا ایتمی اوزرینه
طرفینک اجرا قلنان محاکمه ومواجهه رنده مرقوم
سرویه کفالتی تصدیق ایتش فقط مبلغ مزورک
شمدی یه قدر ویریلوب ویرلدیکی کندوسنجه مجهول
بولدیغی کبی اول امرده اصل مدیونه مراجعت
اولونیده اخذ واستحصال اولنمده یغی صورتده
اول وقت کندوسنه مراجعت اولنمی لازم کله چکندن
مبلغ مزبورک شمدیدن کندو طرفندن تأدییه سی
اقتضا ایتمه چکنی افاده ایتش ایسه ده مبلغ مزورک
ایفا وتادیه اولدیغی اثبات ایتک اوزره ویریلان
فرق برکون مهل ختامنده مرقوم سرویه برکونه دلائل
واوراق ارأه ایده مامش اولسیه مبلغ مکفول بهک
مجله احکامک التی یوز الی برنجی ماده سی موجبجه
اقتضا ایدن گذشته سیه برابر کفیل مرقوم
سرویه دن تحصیلیه مزبوره یه اعطاسنه حکم
اولدیغی مبین بولمشدر

مستدعی تمیز سرویه نک لایحه سنده محرر اعتراضی
اوج قضیه دن عبارت اولوب بونک برنجیسی اصل
داین اولان قیریل وفات ایدوب تحویل ترک سنه
قالمش وبومثللو ترک وورثه یه متعلق خصوصاتک
رؤیت وتدقیق شرع شریفه عائد بولنش اولدیغی
حالده خصوص مذکورک محکمه مذکوره ده رؤیت
اولنمی مخالف نظام اولدیغی کبی ایکنجیسی
خصوص مجو عنه مجله مذکورک احکامنه
توفیقاً حکم واعلام اولنش ایسه ده انعقاد کفالت
مجله مزبورک تاریخ نشرندن مقدم اولوب برقانون
ونظام حکمک ماقبله شمولی اوله میه چفندن
خصوص مذکورک بند مزبوره تطبیقی جائز
اولدیغی واولنجیسی ذکر اولنان کفالت ادایه
مشروط ومبلغ مکفول بهک ویریلوب ویرللمسی

کیفیتک تدقیق و ثبوتی دخی اصل دیوئک مواجهه سنه
متوقف اولدیغندن اندن سسوال و تحقیق کیفیت
ایلمکسزین مبلغ هر بوزک کیندوسندن تحصیله
حکم اولمسی مخالف نظام اولدیغی ماده زیدر
لایحه جوابیه ده دخی دایک وفاتیه تحویلک ورشه سنه
انتقال ایتسی ایشک شرعش بریفه عائد اولمسی
مستلزم اولمیه جنی کبی مرقوم سرویه ظهر
تحویلده محرر تسلیماتدن ماعدات تسلیمات وقوع بولدیغنه
دائر ویریلان قرق برکون مهمل ختامنده برکونه دلیل
واوراق ازانه ایده مامش اولدیغندن ولایحه سنه
محرر اعتراضاتی اسباب تقضیه دن اولدیغندن
بجمله اعلام مذکورک تصدیق بیان قلمشدر
کیفیت لیدی التذکره قیصریه محکمه تجارتی اعلامک
خلاصه حکمی مبلغه دخی هک مدیون طرفندن
تأدیه و ایضا اولدیغی کفیل مرقوم جانبندن
اثبات اولدیغندن بجمله احکامک الی یوز الی
برنجی ماده سی موجبیه مع گذشته کفیل مرقوم
سرویه دن تحصیلی قضیه سندن عبارت اولوب
انجق ماده مذکوره کفالت نفسیه به دائر اولوب
خصوص مجبوره قطعاً توافق اتمامیه قیصریه
محکمه تجارتک خصوص مذکوری بوخصوصه
تعلق اولسان دیگر بر ماده قانونیه تطبیق ایله
حکم ایتسی نظاماً جائز اولمیه جنی کبی مرقوم
سرویه اول امرده مدیونه مراجعت اولوبنده
اخذ واستیفای اولنه مدیغی صورتده ایکنی درجه ده
کندوسنه مراجعت اولمسی لازم کله جکئی افاده
ایدوب اشبو افاده سنک جوابی ویریلرک رداندلیکنه
دائر اعلام مذکورده برکونه قید و ضراحت اولمسی
واصل دین سندی مرقوم قهریه ویرلش و مرقوم
قهریل وفات ایتش اولدیغندن دیگر ورشه سی اولوب
اولدیغنک و اولدیغی حالدده زوجیه مزبوره
سارانک برکونه وصایت و وکالتی بولوب بولمیدغنک

اِغْلَان

کچن کون اوراق حوادثه درج ایتدیریلان اعلان
و قرارنامه ده محرر اولدیغی اوزره دعوا وکیلارینک
امتحان و انتخابلری ایچون دیوان احکام عدلیه
دائرة سنده تشکیل اولسان قومیسونه درت ماهه
قدر مراجعت ایتیمسانلر اندن صکره محاکمه
شهادتنامه سن قبول اولمیه جنی جهته ایلروده
اسحاب دعاوینک تکلیف و طلباریله شهادتنامه سن
اولنرک دخی محاکمه وکالت ایده یله جکلری کبی
بعض پاکلش ذهاب و معنارله قومیسونه مراجعتده
آغر طور انانلرک ختام مدته قرار مذکور حکمنک
اجراسنی شمیدین قبول ایتش اوله جکلری معلوم
اولق ایچون تکریر اعلانه ایتدار قلندی